


"E Sinta Oraño" pa Monarch Awareness Month

Ban conserva e mata di lechi



ORANJESTAD (AAN)-- Butterfly Farm Aruba ta cuminsa e celebracion di su 20 aniversario cu e campanja pa conserva e barbulet Monarca. E simbulo ta e Sinta Oranjo cu ta wordo poni riba e matanan di lechi. E barbulet Monarca ta depende di e mata di lechi pa su reproduccion. E mata yama milkweed na

Ingles y e nomber científico ta *Calitropis procera*. E bichinan ta come exclusivamente di a mata aki. Despues di come algun siman nan ta traha nan pop, cu ta berde cu un rand di oro masha nechi. Eyden nan ta transforma den e barbulet, cu ta oraño cu strepi preto. Pesey e luna aki, e Butterfly Farm ta lanta e campaña di e Sinta Oraño, cu ta mesun color cu e barbulet Monarch. Ora bo wak e sinta 'ki rond di e mata di lechi, esaki ta simbolisa un promesa cu nos ta cuida y conserva e mata aki y asina nos por goza di e bunita barbulet Monarca, cu ta un parti valioso di nos naturalesa local. Monarch ta un especie cu ta mundialmente reconoci pa e gran migracion espectacular cu nan ta haci anualmente.



Nan ta bula di noordi Merca te Mexico pa bai hiberna den cantidadnan di miyones. E sanctuarionan aki ta atrae hopi bishitante durante e luna di Januari pa Maart. Bin bo tambe participa den e conservacion di nos barbulet Monarca. Durante e luna di Februari bo por pasa busca bo Sinta Oraño na Butterfly Farm cu ta habri tur dia di siman. Ban conserva e mata di lechi y nos barbulet Monarca, hunto nos ta logra. Potretnan di barbulet Monarca pa Roger Peterson.